

第五種 (全八冊)

《戰國策》

研究文獻輯刊

國家圖書館出版社



第五册

《戰國策》研究文獻輯刊

國家圖書館出版社

新學堂

(民國)金正煒 撰

戰國策補釋 六卷

民國十三年(一九二四)貴陽金正煒十梅館刻本

第五冊目錄

戰國策補釋六卷 (民國)金正煒撰

序.....三

目錄.....七

卷一.....

劉向叙.....四三

東周策.....四六

西周策.....七三

秦策一.....八六

卷二

秦策二至五.....一一五

齊策一至二·····二〇六

卷三

齊策三至六·····二二七

楚策一至四·····二八八

卷四

趙策一至四·····三四九

卷五

魏策一至四·····四七五

韓策一至二·····五五八

卷六

韓策三·····六〇一

燕策一至三·····六二三

宋策 衛策·····六八八

中山策·····七〇一

甲子九秋

戰國策補釋

華易顏楷題



貴陽金氏

十梅館刊

序

漢書藝文志戰國策三十三篇班氏著其旨要曰記春秋
後今隨書經籍志劉向錄三十二卷高誘注二十一卷唐
志則高誘注亦增爲三十二卷更五季之亂至宋而崇文
總目僅存十一篇曾子固校編史館書籍訪求佚闕書乃
復完自宋迄今行於世者惟鮑彪姚宏兩家注本清嘉慶
中吳縣黃丕烈得姚本重刻之且爲之札記近所稱爲善
本者也然其錯繆違失尙不可勝數學者病焉自有清中
葉校讐之學最盛而高郵王石臞父子魁然獨開其宗其
後如俞曲園孫仲容之倫皆精思窅冥以追前軌可謂斐

然庶幾者矣故周秦以來之書無不可讀而奧辭賸義紬
繹旣久轉或有諸先輩所未及盡者則後學亦得從事爲
補苴此吾友仲翬戰國策補釋所由作也仲翬少年發名
南學筮仕來蜀晚遭國變閉門不出日事著書所欲成者
多而補釋適先寫定以予稱有知聞屬爲弁序竊謂戰國
策之爲書南豐論之詳矣蘇秦商鞅吳起李斯以亡其身
諸侯及秦以亡其國所不可廢者上繼春秋下至楚漢二
百四十年間行事而已而獨以劉子政爲惑於流俗不篤
自信則有過詞焉子政之言曰亦可喜皆可觀正喜其事
之可觀耳非喜其縱橫謀詐也不然何以必推極於仁義

教化而斤斤乎文武孔子哉降及今日世亂極而舊俗亡
文武孔子其道墜地比諸戰國殆尤弗如無父子之親混
君臣之分去夫婦之別三綱盡廢而猶然可以篡盜吞滅
責之者未之有也子政南豐生右文之代欲推其治於隆
平而又皆校讐中秘自擅絕學故所發加彼若仲輩者身
丁叔末牢落非偶以今之數退證古之危亡其感觸當何
如也顧尙有少幸者宇內廢除文字之聲雖蜩蟬盈耳而
舊籍刊播好事者彌多聲訓之學愈益昌大此以見天地
正氣之中勢有不能摧盪陷滅之理則仲輩是書方將與
高郵諸儒揚其後勁而爲晚起學者闢此榛塗未嘗不足

以私慰也至其臨文下義審諦周挾不景響依違亦不支
離附會則眞能洞達神旨善立條科者已讀者當自得其
用心所至豈尙俟予言哉甲子重九日華陽林思進

戰國策補釋目錄

卷一

綴言

吳師道編國策章目

劉向敘

東周策

西周策

秦策一

卷二

秦策二至五

齊策一至二

卷三

齊策三至六

楚策一至四

卷四

趙策一至四

卷五

魏策一至四

韓策一至二

卷六

韓策三

燕策一至三

宋策

衛策

中山策

戰國策補釋綴言

一是編就黃氏重刻刻川姚氏本及元刻吳氏校注本於原文之脫誤舊注之差失管蠡所及並爲辨證其無從索解者仍以闕疑

一是編標舉章名悉從吳師道所編目錄卽義有未安亦仍其舊

一凡所釋字義必徵引古說以爲依據如鮑注之齊伐趙之釋爲趨而此者三而釋爲若並爲援證以申其義其常訓易通卽高鮑無注亦不增補

一高郵王念孫讀書雜誌吳縣黃丕烈國策札記於策

文多所校正是編於兩家之說考訂精審者卽不復爲異同或以所說尙有疑義則臚舉其文而加以商榷

一國策地理鮑吳並多違失陽湖張琦所著戰國策釋地已多糾正其有未及亦就可攷者著之於編

一是編惟於字句脫誤求其可通若事理之得失不復參以論斷自維譾陋舛繆必多尙冀博雅君子進而教之

仲翬自識